

SAMOA

Faatulagaina o Aiaiga

- | | |
|---|---|
| 1. Igoa puupuu ma le amataga
2. Faamatuu atu ma le
Faatatauina o le
\$7,641,200.00 mai
Faaputugatupe a le
Matagaluega o Tupe | 3. Faaititiga o aofaiga o tupe
na uluai faatatauina

Faamatalaga |
|---|---|

2001, Nu. 8

O SE TULAFONO e faatagaina ai le tuuina atu ma le faaaogaina o nisi o vaegatupe mai faaputugatupe a le Matagaluega o Tupe i galuega faatino ma galuega faatino laiti, mo le Tausaga Faaletupe faaiuina i le aso 30 o Iuni 2001 (ua faasinomia e faapea o le Tausaga Faaletupe 2000/2001). *[29 Iuni 2001]*

UA FAIA e le Fono Aoaio Faitulafono o Samoa i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua lenei Tulafono o le Tulafono o le Faatatauina o Tupe Faaopoopo (Nu.2) 2000/2001 ma e tatau ona faitauina faatasi

ma avea ai o se vaega o le Tulafono o le Faatatauina o Tupe 2000/2001 (e pei ona taua mulimuli ane iinei o le Tulafono autu).

(2) O aiaiga o fuaiupu 2 ma le 3 ma Faamatalaga i lenei Tulafono e faasino i galuega faatino ma galuega faatino laiti a Matagaluega, galuega faatino e tuuina atu e isi vaega ma gaoioiga e avea ai ma sui o le Malo mo le Tausaga Faaletupe 2000/2001.

(3) O lenei Tulafono o le a faamamaluina i le aso o le a tuuina atu i ai le maliega a le Ao o le Malo.

2. Faamatuu atu ma le Faatatauina o le \$7,641,200.00 mai le Faaputugatupe a le Matagaluega o Tupe-(1) O le a tuuina atu mai i faaputugatupe a le Matagaluega o Tupe ma faaaogaina i galuega faatino po o galuega faatino laiti e tuuina atu e matagaluega taitasi, galuega faatino e tuuina atu e isi vaega ma gaoioiga e avea ai ma sui o le Malo mo le Tausaga Faaletupe 2000/2001 ia vaegatupe e le atu ma le aofaiga faaputuputu e \$7,641,200.00.

(2) O vaegatupe ua faatagaina o le a faaaoga e le faafuaiupu (1) o lenei fuaiupu ua ese nei ona faatatauina e tusa ai ma galuega faatino po o galuega faatino laiti o le a tuuina atu e matagaluega taitasi, galuega faatino e tuuina atu e isi vaega ma gaoioiga e avea ai ma sui o le Malo i le faiga ua faamaotiina i totonu o le Faamatalaga Muamua o lenei Tulafono.

3. Faaitiitiga o aofaiga o tupe na uluai faatatauina-(1) O le Tulafono autu ua teuteuina nei i le faatagaina o le faaitiitiga o le aofai e \$1,806,554.00 mai matagaluega o lo o lisiina atu ma e tusa ai ma aofaiga ua faatulagaina atu i totonu o le Faamatalaga Lona Lua o lenei Tulafono.

(2) O le aofaiga e \$1,806,554.00 ua faatatauina ma toe faasoasoina atu i matagaluega ma galuega faatino i le faiga ua faamaotiina atu i totonu o le Faamatalaga Muamua i lenei Tulafono ma o le a avea ai o se faaopoopoga i tupe faatatauina i le Tulafono autu.

